



Sarajevo, 28 -10- 2020  
Broj: 07- 30151 /2020

### Obavijest o pozivu za iskazivanjem interesa

Javno preduzeće Elektroprivreda Bosne i Hercegovina d.d. - Sarajevo (EP BiH) u svojim strateškim dokumentima iskazala je cilj da značajno poveća udio proizvodnje električne energije iz obnovljivih izvora (OIE). Ovaj cilj će realizirati intenzivnom gradnjom OIE i smanjenjem korištenja kapaciteta zasnovanim na fosilnim gorivima.

Kako bi ovaj proces dodatno ubrzala EP BiH se opredjelila i da istraži mogućnost otkupa projekata OIE koji su u pogonu ili su u završnoj fazi razvoja/izgradnje, te upućuje:

#### **Poziv zainteresiranim stranama za iskazivanjem interesa za prodaju projekata obnovljivih izvora energije**

Poziv se odnosi na pravne ili fizičke osobe zainteresirane za prodaju projekata OIE koji su već u pogonu i projekata koji su u razvoju sljedećih karakteristika:

- **Hidroelektrane** snage uključivo i veće od 1 MW koje su u pogonu.
- **Hidroelektrane** snage uključivo i veće od 10 MW koje su u razvoju.
- **Vjetroelektrane** snage uključivo i veće od 3 MW koje su u pogonu ili su u razvoju. Za projekte u razvoju minimalni zahtjev je posjedovanje urbanističke saglasnosti, a prednost pri odabiru će imati projekti koji imaju veći obim završenih aktivnosti.
- **Solarne elektrane** (samostojeće) snage uključivo i veće od 1 MW koje su u pogonu ili su u razvoju. Za projekte u razvoju minimalni zahtjev je posjedovanje urbanističke saglasnosti, a prednost pri odabiru će imati projekti koji imaju veći obim završenih aktivnosti.

Pozivamo zainteresirane strane da dostave **Pismo o interesu za prodaju projekta**, potpisano od odgovorne osobe, sa sljedećim podacima:

- naziv investitora/vlasnika
- naziv elektrane
- karakteristike elektrane (broj jedinica, instalirana snaga, godišnja proizvodnja)
- prikaz i opis lokacije (kartografski prikaz i broj katastarske čestice)
- za projekte u pogonu ostvarena proizvodnja po mjesecima za sve godine pogona
- za projekte u pogonu ostvareni troškovi pogona i održavanja za svaku godinu pogona iskazane po strukturi (održavanje, naknade, dažbine, osiguranje, radna snaga...)
- za projekte u razvoju očekivana proizvodnja po mjesecima
- prikaz statusa projekta sa listom svih dobivenih i važećih dozvola i saglasnosti (broj, datum izdavanja, rok važenja), svih podnesenih zahtjeva čije je rješavanje u toku, statusu rješavanja imovinsko-pravnih odnosa, statusu priključka na elektroenergetsku mrežu, kao i drugih aktivnosti i dokumenata relevantnih za ocjenu statusa razvoja
- prikaz osnovnih odredbi koncesionog ugovora (trajanje, naknada, mogućnost produženja i prenosa prava)

- prikaz statusa proizvođača u pogledu otkupa električne energije (status, ugovor za privilegiranog proizvođača, preostalo trajanje ugovora, ugovorna cijena)
- otkupna cijena projekta
- kontakt podaci (kontakt osoba, adresa, e-mail, broj telefona)

Pismo o interesu za prodaju projekta treba dostaviti na adresu:

**JP Elektroprivreda BiH d.d. - Sarajevo,  
Vilsonovo šetalište 15, 710000 Sarajevo,  
sa naznakom „Pismo interesa za prodaju OIE“.**

Krajnji rok za dostavu pisma o interesu je **31.12.2020.** godine. Na osnovu dobivenih podataka i informacija EP BiH će izvršiti inicijalnu ocjenu, te utvrditi listu prihvatljivih potencijalnih projekata za otkup rangiranih na osnovu proračuna niveliranog troška proizvodnje. U procesu inicijalne ocjene EP BiH može po potrebi uputiti zahtjev za pojašnjenje ili dopunu pisma interesa.

Za najbolje rangirane projekte, uvažavajući ukupni iznos predviđenih sredstava, EP BiH će uputiti zahtjev za dostavu detaljnijih informacija i dokumenata, te dostaviti ponudu sa cijenom po kojoj je spremna otkupiti projekat.

Izvršni direktor  
za kapitalne investicije  
*Senad Salkić*  
dr. sci. Senad Salkić

